

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
OPĆINSKI SUD U KONJICU
Broj: 56 0 Su 071451 21 Su 11
Datum, 19.11.2021.godine

Na osnovu člana 64. stav (1) tačka b), člana 70. stav (1), (2) i (3) Zakona o javnim nabavkama („Službeni glasnik BiH“ broj: 39/14), na Preporuku Komisije za javnu nabavku broj: 56 0 Su 071451 21 Su 9 od 18.11.2021. godine, u Konkurentskom postupku javne nabavke: nabavka, dostava i montaža kancelarijskog namještaja, oznaka i naziv iz JRJN: 39120000-9, stolovi, ormari, radni sto, police i stolice, predsjednica Suda donosi

ODLUKU
o izboru najpovoljnijeg ponuđača u postupku kancelarijskog namještaja

Član 1.

Prihvata se Preporuka Komisije za javne nabavke, broj: 56 0 Su 071451 21 Su 9 od 18.11.2021. godine i ugovor za javnu nabavku kancelarijskog namještaja za potrebe Općinskog suda u Konjicu-Odjeljenje van sjedišta Suda, Prozor-Rama, dodjeljuje se ponuđaču Gradiz d.o.o. Sarajevo, ponuda broj: 161-M-2021 od 16.11.2021. godine, za ponudenu cijenu od 23.507,06 KM bez PDV-a, kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču Gradiz d.o.o Sarajevo po proteku roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje računovodstvo Suda.

Član 4.

Ova odluka će se objaviti na web stranici Suda www.opsud-konjic.pravosudje.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 56 0 Su 071451 21 Su od 29.10.2021. godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a je **23.510,00 KM**.

Obavijest o nabavci broj: 11327-7-1-1-3-1/21 poslana je na objavu dana 02.11.2021. godine, a objavljena je na Portalu javnih nabavki dana 02. 11.2021. godine.

Zahtjev za dostavu ponuda proslijeđen je na tri (3) adrese ponuđača istovremeno sa slanjem obavještenja na Portal javnih nabavki.

Kriterij za dodjelu Ugovora je najniža cijena.

Komisija za javnu nabavku imenovana je Rješenjem broj: 56 0 Su 071451 21 2 od 02. 11.2021. godine.

Komisija za javnu nabavku je 19.11.2021. godine dostavila predsjednici Suda, Zapisnik o ocjeni ponuda i Preporuku o izboru najpovoljnijeg ponuđača, u postupku javne nabavke: nabavka, dostava i montaža kancelarijskog namještakja.

U postupku po izvještaju o radu, utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupno pristigla jedna blagovremena ponuda,
- da nije bilo neblagovremenih ponuda,
- da je ponuda ponuđača Gradiz d.o.o. Sarajevo, prihvatljiva, jer ispunjava uvjete za kvalifikaciju, propisane tenderske dokumentacije.

U postupku donošenja ove odluke, posebno su cijenjene činjenice da je Komisija, pravilno i potpuno izvršila ocjenu kvalificiranosti ponuđača te pregled i ocjenu prispjele ponude, u skladu sa kriterijima iz Tenderske dokumentacije.

U postupku ocjene provedenog postupka, predsjednica Suda nije našla razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen zbog najniže cijene.

Izabrani ponuđač je izabran primjenjujući kriterij najniže cijene, koja je ponuđena u iznosu od **23.507,06 KM** bez PDV-a, a cijena s uključenim PDV-om iznosi **27.503,26 KM**, i sa svim karakteristikama koje je ugovorni organ tražio u Obrascu za cijenu ponude.

Ugovor će se zaključiti s ponudačem na iznos od 27.503,26 KM (slovima: dvadeset i sedam hiljada pet stotina i tri konvertibilne marke i dvadeset i šest pfeninga) u koji je uključen PDV.

Iz navedenih razloga, primjenom člana 64. stav (1) tačka b) -najniža cijena, Zakona o javnim nabavkama, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke, Uredu za razmatranje žalbi BiH putem Općinskog suda u Konjicu u pisanoj formi u tri primjerka.

U skladu sa članom 108. Zakona o javnim nabavkama žalilac je obavezan platiti naknadu za pokretanje žalbenog postupka.

Uplata naknade vrši se u skladu sa Instrukcijom o načinu uplate, kontrole i povrata naknada propisanih članom 108. Zakona o javnim nabavkama („Službeni glasnik BiH“, broj: 39/2014).



Dostaviti:

- Gradiz d.o.o. Sarajevo, Halida Kajtaza broj 1. Sarajevo
- Računovodstvo suda
- a/a